

Powšitkowne WOZJEWJENJA

njedźelu, 1. měrca 2026

Ekumeniski póstny seminar

„Pokleće abo žohnowanje – Sekularizacija wčera a džensa“ rěka hesło dalšeho zarjadowanje Ekumeniskeho póstneho seminara w Smochčanskim kubłanišću swjateho Bena. Wone budže pónđzelu, 2. měrca, w 19.30 hodž. Referent je profesor dr. Eberhardt Tiefensee z Lipska. Wšitcy zajimcy su wutrobnje přeprošeni. Zastup je darmotny.

Zetkanje samostejacych

Samostejacy ze serbskich wosadow su na swoje lětuše přenje zetkanje wutoru, 10. měrca, w 14.00 hodž. do Smochčanskeho kubłanišća swjateho Bena přeprošeni. Zajimcy njech so hač do wutory, 3. měrca, w redakciji Katolskeho Posoła přizjewja, telefonowe čisło (0 35 91) 55 02 12. Dalši zajimcy, kotřiž njejsu samostejacy, su tohorunja wutrobnje witani. Kóždy njech sej Wosadnik sobu přinjese. Štóž chce wotewzaty być, njech to prošu zdžěli.

Serbske kemše w Drježdžanach

Drježdžanscy Serbja – wosebje tež młodži – su na maćernorěčnu Božu mšu njedźelu, 8. měrca, w 16.00 hodž. do cyrkwy swjateho Antonija na Bünauskej 10 přeprošeni. Bjesada při kofeju započnje so hižo w 15.00 hodž.

Modlenje w Róžeńće

Na modlenje róžowca a před Najswjećišim su wěriwi sobotu, 7. měrca, we 18.00 hodž. do Róžeńčanskeje hnadowneje cyrkwy přeprošeni. Pačerje budu w serbskej a němskej rěči spěwane.

Wječorne modlenje z taizéskimi pěsnjemi w Ralbicach

Zhromadne wječorne modlenje dekanatneje młodžiny z taizéskimi pěsnjemi budže přichodnu sobotu, 7. měrca, w 20.00 hodž. w Ralbicach. Přizamknje so zabawny wječor w sportowej hali.

Wuhladko wo putnikowanju družkow

Telewizijny magacin Wuhladko změje wo putnikowanju družkow lětsa w februaru do Roma w swojim přichodnym wusyłanju wosebity přinošk. Wuhladko budže sobotu, 7. měrca, w 12.00 hodž. wusyłane.

Literarna kofejownja

Rjadnik, měšnik a awtor Andreas Knapp z Lipska budže z hosćom dalšeje literarneje kofejownje w Budyskim ekumeniskim tachantskim wobchodze srjedu, 11. měrca, w rumnosćach wobchoda. Wón čita ze swojeje knihi „Atlas der unbegangenen Wege – Eine Reise zu dir selbst“, kotruž je zhromadnje z rjadnicu a awtorku Melanie Wolfers spisał. Započatk je w 19.00 hodž. Zajimcy móža sej knihu tón wječor tohorunja kupić a signować dać. Zastup je darmotny, wo dary proša. Wšitcy su wutrobnje přeprošeni.

Hudźbno-literarny wječor na česć Bena Budarja

Składnostnje 80. posmjertnych narodnin serbskeho spisowacela Bena Budarja wotměje so w Budyskim Serbskim ludowym ansamblu (SLA) hudźbno-literarny wječor pod hesłom „Wokomiki slónca“. Tón budže štwórtk, 19. měrca, w 19.30 hodź. Na nim spominaja z wěncem słowow, hudźby, wobrazow a filmow na jeho bohate literarne tworjenje. Dale wěnuje so program zhromadnemu džělu z hudźbnikom a komponistom Měrcinom Weclichom. Zaklinča tohorunja twórby Jurja Winarja, interpretowane wot smyčkowego kwarteta SLA. Teksty čitataj wnučk Bena Budarja Filip Budar kaž tež dźiwadźelnica Majka Kowarjec. Zastupne lisćiki dóstanu zajimcy při kasy ansambla kaž tež online. Link je pod www.posol.de wozjewjeny.

Prózdnińska jězba za 4. do 8. lětnik

Dekanatne dušepastyrstwo za džěci a młodžinu we Worklecach přeprošuje šulerki a šulerjow nětčišeho 4. do 8. lětnika w lětnich prózdninach na jězbu do Zhorjelca. Wona wotměje so wot póndžele do pjatka, 3. do 7. awgusta. Swójski přinošk na wobdźělnika wučinja 130 eurow. Přizjewjenja přijimaja hač do pjatka, 1. meje, online. Link na wotpowědnu stronu je pod www.posol.de wozjewjeny.

Zhromadne dopołdno za džěci 6. do 8. lětnika

Pod hesłom „Wujednaj so!“ wotměje so za šulerjow 6. do 8. lětnika sobotu, 21. měrca, wot 9.00 do 12.00 hodź. zhromadne dopołdno we Worklečanskim Don Boskowym domje. Tón dzeń změja móžnosć, sakrament wujednanja, swjatu spowědź, přijimać. Přizjewjenja přijimaja hač do wutory, 17. měrca, online. Link je pod www.posol.de podaty.

Putnikowanje swójbow

Putnikowanje swójbow do Róžanta budže zaso pjatu póstnu njedźelu, lětsa je to 22. měrca. Boža mša w hnadownej cyrkwi zahaji so w 9.00 hodź.

Zarjadowanje k swójbnyim ritualam

Dalše zarjadowanje noweho rjadu Worklečanskeho dekanatneho dušepastyrstwa pod hesłom „Swójbne rituale w běhu lěta“ budže pjatk, 27. měrca, wot 15.30 do 17.00 hodź. w Don Boskowym domje. Wone steji pod temu „Čakamy na jutry“. Přeprošeni su starši (mać abo nan) hromadže z džěscóm w předšulskej starobje. Wobdźělnicy dóstanu w krótkej formje małe impulsy za swójbne, nabožne žiwjenje. Při małym přikusku zhonja starši někotre zajimawostki k temje. Po tym sej hromadže z džěscóm něšto napasla. Swójski přinošk na swójbnu wučinja štyri eura. Přizjewjenja přijimaja hač do srjedy, 25. měrca, online. Link je pod www.posol.de podaty.

24hodźinske modlenje we Worklečanskej kapalcě

Na cyłodnjowske ćiche modlenje před Najswjećišim su wěriwi do Worklečanskeje kapalki přeprošeni. Wone zahaji so pjatk, 13. měrca, we 18.00 hodź. a zakónči so sobotu, 14. měrca, w 17.45 hodź. z krótkim nyšporom. Hnydom přenju hodžinu modla so tam zhromadnje w němskej řeči. K tomu zaspěwa němska šola. Sobotu wot 14.00 do 14.30 hodź. su wosebje młode swójbny z džěćimi na serbske modlenje prošene. Kapalka budže wšón čas tež tepjena.

Modlerska iniciatiwa „24 hodžin za Knjeza“ wuchadźa wot bamža Franciskusa. W katolskich Serbach wotmě so tajke modlenje přeni raz w lěće 2015 a wot toho časa nimale kóžde lěto.

Serbski podcast k prašenjam wěry a žiwjenja

Redakciski team Dekanatneho dušepastyrstwa młodžiny we Worklecach je nowy serbski podcast přihotował, kotryž zaběra so z prašenjemi dokoławokoło wěry a žiwjenja. Pod titlom „Tak a znak – Štóz ma wuši k słyšenju, słyš! (Mt 13, 9)“ chce team dwutyždžensce přinošk w formje rozmołwy wozjewić, w kotrymž rěčitaj kapłan Florian Mróz a Glorija Lanzyna. Jednotliwe wusyłanja maja 20 do 30 mjeńšin trać. Přeni přinošk wozjewja pjatk, 6. měrca, na Spotify a Youtube. Link nańdu zajimcy pod www.posol.de.

Serbski institut wobdžěli so na dnju archiwow

Serbski kulturny archiw a Serbska centralna biblioteka při Serbskim instituće wobdžělitej so znova na Dnju archiwow w Němskej, kotryž budže sobotu, 7. měrca. Lětsa prezentuje so archiw jako městno komunikacije a dopóznaća. Nimo pokładow ze swójskeho domu, kotrež móža sej zajimcy wot 14.00 do 17.00 hodź. wobhladać, su wopytowarjo přeprošeni, dokumenty ze swójbnych stawiznow sobu přinjesć a předstajić. To móža historiske wupokazy, wopisma, listy, serbske knihi, dženiki, wěnowanja, fotografije abo wuswědčenja a być. Link k programej w Serbskim instituće je pod www.posol.de podaty.

Lětsa tři putniske jězby do Erfurta, sewjerneje Němskeje a Awstriskeje

Na tři putniske jězby přeprošuje Radworske Šmitec-Schwarzec wozydłownistwo lětsa w běhu lěta. Přenja powjedže wot pjatka do wutory, 26. do 30. junija, (wot wozydłownistwa korigowany termin) na pasionske hry do awstriskeho St. Margarethena. Nimo toho poskićuja kolojězby.

Lětuša serbska putniska jězba pod hesłom „Wěra zetka hudźbu“ budže wot póndžele do štwórtka, 10. do 13. awgusta. W Erfurće wopytaja wobdžělnicy mjez druhim klóšter awgustinow a tamniši měšniski seminar. Dale wobdžěla so na Erfurtskich domowych swjedženskich hrach, hdžež předstaja musical „Jesus Christus Superstar“. Zdobom zarjadowuje Drježdžansko-Mišnjanske biskopstwo wot srjedy, 30. septembra, do njedžele, 4. oktobra, chórowe putnikowanje do Greifswalda, Stralsunda kaž tež na kupu Usedom. Dny wobsahuja zhromadne proby a Bože služby. Na jězbje wobdžělić móža so wšitcy, kiž rady spěwaja, byrnjež čłonojo chórow njebyli, runje tak kaž wšitcy, kotřiž njespěwaja, ale chcedža křescansku zhromadnosć dožiwić. Přizjewjenja přijimuje Šmitec-Schwarzec wozydłownistwo, telefonowe čisło (03 59 35) 28 60.

Putniska jězba do Israela

Pod hesłom „Zhromadnje po puću“ steji putniska jězba do Israela, kotraž wotměje so wot póndžele do póndžele, 2. do 9. nowembra. Přewodžec budu ju cistercienski pater dr. Johannes Müller z klóštra Marijineje hwězdy a Enrico Scholze z Hellendorfa. Jězbu poskića zhromadnje z pućowanskim běrowom Scuba-Reisen ze Stuttgarta. Přizjewjenja su hač do pjatka, 7. awgusta, móžne. Ličba městnow je wobmjezowana. Link k nadrobnjšim informacijam je pod www.posol.de podaty.